

甌北詩選

上

柳田文庫

文庫11

D 209

1

5

10

15

20

25

文庫11
D 209
1

趙甌北先生著

甌北詩選

大窪詩佛

兩先生閱

玉巖堂藏

岡部菊厓

新刊

甌北詩選序

余向讀甌北詩鈔卷首所載諸家之序也
跋也題辭也壘出殆至二十紙而其揚榷贊
獎之若不容口盛哉一日有客來評隲詩鈔
客曰隨園序曰晉溫嶠耻居第二流而耘菘
獨自居第三人者意謂探花辛巳而於詩則
推伏余與蔣心餘故也據此則甌北若甘居
第三等者果然歟余曰否、此事也隨園
詩話亦載之願甌北於素為弟行而肩隨於

010190556137

蔣故文酒讌會間偶然為之讓一著隨園即
執為左契其意蓋謂甌北太敵也不曰其譎
語以歷彼於今日則天下後世定論或有未可
期者故傲然屢筆以為口實而甌北則謂素
蔣吾匹也縱曰此語姑推彼於當世而天下後
世慧眼自有不可掩者故夷然不以介懷是二
人之微意雖薄乎云爾而可謂察淵中矣隨
園亦有所不安故序中又曰疑是譎語不之信
是其遁辭耳客曰然則其論惡乎定余曰以學

殖論之則陔餘叢考二十二史劄記具在素蔣
二家斷一非所跋及矣何獨於詩俄立於其
下乎時論或以為三神山或以為鼎立則似矣
雖然隨園嘗過甌北甌北喜有詩曰要是今曹
劉而眼中既若無蔣者也則三山鼎立固非甌
北所願聞而其所謂曹劉亦恐屬謙辭也余
有一說於此私為子言之南宋詩家以楊陸
為家今素詩取清新於圓熟趙詩爭巧纏
於竒恣而素近陸趙近楊放翁有詩曰我不如

誠齋此論天下同由是思之則素趙二家之軒
輒有不待余之喋喋者焉客欣然曰謹承教
既而客就詩鈔選錄七言律絕如干首以上木
投余曰甌北詩鈔篇頁浩繁勘讐非易其餘
諸體將陸續刊行以公諸世請賜一言余曰書
嘗與客所論者以為之序客者謂誰 本藩
詩人確井晴沙氏也

文政十年丁未歲南至後一日奧山翼榕齋
氏撰

題辭

詩文隱也運之不在題形既化
有女語且曉後詩人
情者李王徒步亦惟宗之感
庶不可別三處李王詩
句中要旨意句外要有象

所以說北詩句後自品味
及讀此詩初書詩與學徒
系卷力小筆如龍電

丁亥臘月

訪佛老人古詩序書

新語

甌北集原序

吾友趙甌北觀察自黔中解官歸閒居奉母以其暇裒輯平生所為詩約二千首將付梓郵寄示余屬為其序嗚呼君可傳者不止此而天下後世苟資其言尚論舍是亦無以相見君少負逸才年二十餘以諸生入京師聲藉甚旋舉京兆官中書舍人入直樞要進奏文字多出君手每歲秋扈從出塞戎帳中無几案君伏地起草頃刻千百言不加點辛巳以第三人及第入翰林名益爆巧詩文者戶屢恒滿君濡墨伸紙無不滿其意而去如李衛公行雨手中一滴平地一尺又如左元放斗酒

東脯萬人皆得周足而器中酒脯自如世咸以此服君
然君瘠而木強雖以才為諸鉅公所欽慕而杜門一編
脩然自遠其於榮利泊如也既而出守鎮安調廣州擢
貴西道所至絕苞苴勤撫字能不負所學中間嘗奉命
赴滇在征南幕下叅軍事短衣匹馬出入蠻烟瘴雨中
帷幄借籌多所贊畫事竣回任口不言勞及以讞獄事
呈吏議天子稔君才特命引見而君以太恭人春秋高
乞假歸里修潔白之養今且五六年不汲汲於仕進統
君生平出處蓋庶幾不愧為完人此豈僅僅以詩文自
表見者哉然君詩則自出都後且益工蓋天才踔厲其

所固然而又得江山戎馬之助以發抒其奇當夫乘軺
問俗停鞭覽古興酣落筆百怪奔集故雄麗奇恣不可
逼視雖欲不傳不可得也余與君相識在甲戌會試風
簷中已而同官中書先後入詞館九衢人海車馬喧闐
吾兩人時復破屋一燈殘更相對都無通塞升沈之想
今握別十餘年而大集之序不以他屬而以屬余蓋以
酸醜之嗜兩人有同味焉關河迢阻良晤為難何日更
得剪韭細論開口而一笑也昔乾隆四十二年丁酉二
月同羊弟鉛山蔣士銓拜撰

錢璵沙讀甌北集詩

甌北詩選

序

二

忽隨文星下斗台聲華藉藉冠蓬萊探花春看長安徧
投筆身從絕域回風雅名誰爭後世乾坤我欲妬斯才
登壇老将推素久不道重逢大敵來出隨園詩話

小傳

趙翼字雲松號甌北陽湖人乾隆二十六年殿試第三
人及第官至貴西道有甌北集

補褐山房詩話雲松性情曩儻才調縱橫而機警過
人所遇名公卿無不折節下之初受知於汪文端公
及入中書直軍機處傳文忠公尤愛其才旋以及第
改翰林數年簡放知府出守廣西鎮遠時緬甸用兵
詔選隣省幹才助蒐軍實君住永昌半載會文忠將
督兵入遣之還粵又為李制府所賞調廣州并登
薦剡擢貴西道尋以母老留養遂不復出迄今幾三

十年同時與素子才蔣心餘友善才名亦相等故心
餘序其詩謂興酣落筆百恠奔集奇恣雄麗不可逼
視子才謂其忽正忽竒忽莊忽俳稗史方言皆可闡
入洵知言也乾隆辛未夏余與慶樹齋尚書奉使讞
事高郵君時主揚州書院拏舟見訪銜杯促膝竟日
而返蓋其篤舊交嗜譚藝如此右載王昶湖海詩
傳第二十四卷



甌北詩選卷上

七言律

清陽湖趙翼留雲崧著
日本秋田碓井歡青堂選

梅花

殘臘春心世未知忽傳芳信到南枝
單身立雪程門弟素面朝天號國
娥紙帳有香吟倦後縞衣無影夢
回時清晨動我巡檐興準備東風
第一詩一正是冰霜徹骨天何當
冷蘂別成妍衆芳皆後真香祖
同調無多只冰仙踏凍來尋芒屨
滑忍寒相對繡帘寒着花老樹
嫣然處箇是人間枯木禪古古月

江南江北枉相思何處探春見一枝古寺月明僧定夜
空林雪滿鶴歸時竹松自結同心契蜂蝶寧容半面窺
到得百花爭炫處始知老輩不求知

隴頭流水嶺頭雲消息相關結想殷一到歲寒誰伴我
每逢月落便思君寫真不藉丹青筆作賦何妨鐵石文
剩欲訂為交耐久江城笛好數相聞

古今咏梅詩多
矣工切渾脫應

以此為第一
素枚評

新霽同杏川諸人散步

積雨江村綠漸稠喜逢霽景豁吟眸春留紅藥拖殘尾
雲放青山出十頭聲在樹間禽姓杜香尋花底蝶為周

邨翁莫笑貪兒戲我是人間馬少游

戲題汶上旅壁

征途日日轉勞薪偶見天桃始覺春滿面黃塵投旅店
一羣紅粉看詩人梁炊久醒游仙夢花落難沾學佛身
為語纏頭無長物或將好句寫羅巾

樓桑邨

桑蓋童童已古邱英雄氣尚亘千秋敵強終造二分國
士少能臣第一流長坂安行真大度益州詭取亦陰謀
獨憐故里終拋棄不及歌風沛上遊

同邵耐亭郊行

草綠裙腰到楔辰，相邀勝侶去尋春。波空有影凌羅襪，塵軟無聲碾畫輪。柳絮前身原蕩子，桃花對面有佳人。誰知袞袞長安陌，着此蕭閒兩角巾。

下直同漱田秋帆諸人郊行即事

雨過青圻淨麴塵，出郊人馬共欣欣。班輪隻日餘雙日，春已三分過二分。蝶趁衣香芳草路，鴉銜祭肉夕陽墳。郊行景色真堪畫，只少擔瓶一老軍。

遊檀柘寺

蓮漏聲中轉六時，山房春靜日遲遲。龍妝老叟時聽講，鶴被仙人每借騎。礙石竹多旁出筍，交柯樹似寄生枝。

何當結夏來，趺坐清簟無塵一局棋。

新絕

題美人春睡圖

海棠春暖正微醺，午睡聊收繡線紋。香篆碧縈魂一縷，枕痕紅透肉三分。畫師何處窺曾見，侍女私相語弗聞。且莫真真喚名字，夢中或已去行雲。

新僦宅有小樓可憩而多狐崇詩以禳之

漫憑狡獪擾幽廬，禍福霏氛早告予。山鬼豈知經歲事，仙人浪說好樓居。開堂笑汝禪仍野，媚竈慚吾術已疎。談易倘如王輔嗣，未妨來對一窗虛。

西廠觀烟火

晚直郊園月未斜，昇平樂事覽繁華。
 九邊塵靜平安火，上苑春催頃刻花。
 跋浪魚龍烟是海，劈空雷電礮為車。
 歸途尚有餘光照，一路林巒映紫霞。

好句天成難得如此雄傑未敢

過文信國祠同舫葺作

三百餘年養士恩，故應末造澤猶存。
 半生聲伎勤王散，一代科名死事尊。
 滿地白翎人換世，空山朱噉客招魂。
 笑他北去留承旨，也是南朝一狀元。
 戰罷空坑力不支，拚將赤族殉時危。
 死堅獄吏囚三載，生享門人祭一卮。
 血碧肯污新贈謚，汗青終照舊題詩。

如何一本梅花發，分半南枝半北枝。

二詩警切精鍊祝德麟評

大雨倒牆戲筆

鳴簷三日雨淋漓，浪摧倒苔垣一丈長。
 并使相如無立壁，或傳夷甫竟排牆。
 蝸涎作字難留迹，麕眼編籬且畫疆。
 除却青氈本何有，不妨恃陋少隄防。
 曾笑冰山易作泥，不虞識在小庭西。
 故人來訪應排闥，鄰女如窺免上梯。
 亂石已妨行藥步，濕塵先掃落花蹊。
 最憐十五蕭郎竹，也復竚竚被壓低。

二詩逸態橫生袁枚評

館娃宮

湖光山色一憑欄，想見朝朝暮暮歡。
 此地春常留屣響，

有人夜正卧薪寒唾成珠玉香猶濕舞破山河鬢未殘
恩受吳宮功在越可憐啼笑兩俱難

喜吟鄉至京

離懷五載渺相思空谷楚然到履綦坐定君先詢近作
別來吾未有新知遊踪預恐桑三宿君將往山右昔面微添
鬢幾絲僮僕也知交誼厚厨頭催取具盤匱

漫興

紙牕涼逼露華清顧影蕭然感易生漸老鬢毛攙黑白
積勞筋骨驗陰晴將車送鬼窮難去食字求仙候未成
手剔寒燈清不寐階前落葉報秋聲

慰叢園下第

眊睩春官又一回誰從黷底識琴材生花不律行將禿
棄甲于思忍復來君多官燭空修書滿架方纂修子錢
欲避債無臺多宿祇應一卷名山業消兩生平磊落才

竹君述菴叢園來殷耳山璞函小集寓齋即事

老屋三間聚履綦到來便擬夜歸遲地非北郭聯吟處
人似西園雅集時名飲豈須絲竹肉清談無過畫書詩
只慚蔬韭誇高宴未免人嗤措大為
蕭寺看花僅幾旬俄驚裘褐戒霜晨年光真覺如彈指
著述猶難到等身五鼎食中無我輩千秋亭外幾癡人

祇應轟醉過殘臘此便消寒第一巡

西湖咏古

不負風光勝地多六橋來正景暄和人間作畫難為藁
是處銷金別有窩綺閣簾櫳紅杏雨綵船簫鼓綠蘋波
山靄笑我家相近何事今纔載酒過

南園想見昔雕費黃胖遊春道路驚去國狼胡非帝意

教陶孫子趙汝愚詩 隔籬犬吠是人聲生前珠翠千行

狼胡無地居姬旦 繞死後頭顱萬里行獨惜平分半湖地累人作記損高

名

耒陽杜工部墓

手擷溪毛薦拾遺空山客過有餘悲生無一飽人誰恤

死有千秋鬼豈知瘦削儀容傳飯顆飄零魂魄傍湘纍

公名不藉豐碑表何必真阡認偃師 三四一聯天問招魂無此沉痛

李保泰評

永昌平徐武功楊升菴

迢遙金齒瘴江濱辛苦前朝兩逐臣妓粉尚傳名士氣

將星空負故侯身奪門事險功真倖伏闕聲高議未醇

欲採芳蓀酌杯酒百年遺跡已沈淪

夜坐

判罷文書覓句工結趺枯坐曲欄東池荷十裂秋將老

堂鼓三嚴夜，心中警鶴避。寒依樹密，明蟾愛浴，映波空。
小胥見慣，官齋燭笑我，孤燈一穗紅。

擢授貴西兵備道紀恩述懷

擢官何事乞歸田，別有離懷黯自牽。天上除書恩主眷，
風前殘燭老親年。白雲飛處憐孤影，黃紙宣來是特遷。
直恐君親成兩負，一燈危坐轉悠然。

李公代奏終養公以余新擢官止之

晚泊

洞庭波淼落帆輕，小泊亭臯候月明。遠火晚迴龍伯駕，
荒蘆寒打鴈奴更閒。依燈影吟情永未息，濤聲旅夢驚。

已字山形之字水擁衾先自算歸程

赤壁

依然形勝扼荆襄，赤壁山前故壘長。烏鵲南飛無魏地，
大江東去有周郎。千秋人物三分國，一片山河百戰場。
今日經過已陳迹，月明漁父唱滄浪。

遣興

雲濕江天鴈影孤，春風為我送歸途。四宜休敢稱高士，
七不堪難起懶夫。積歲刺成新楮葉，過時身比舊桃符。
只慚招得旁人笑，顛倒天吳紫鳳圖。

江行

帆影依依帶落暉，江平如鏡浪痕微。
舟憑野鷺為前導，人與春鴻共北歸。
才薄敢期宣室召，心閒早息漢陰機。
居然已似漁翁長，只未身披獨速衣。

采石太白樓和韻

沈香亭下脫鞵行，此地曾傳泛月明。
白浪一江銷醉骨，青山萬古屹詩名。
錦袍當日人爭看，金粟何年世再生。
百尺高樓俯空濶，為君長寫氣崢嶸。

金川門懷古

前史曾傳靖難兵，麾戈從此破神京。
削藩禍起書生計，負扆圖慚叔父名。
一領袈裟宵出竇，九江紈綺曉翻城。

興師若不論成敗，高煦宸濠豈異情。

歸田即事

柴扉近俯綠楊灣，回首風塵此倦還。
老境逼來將白髮，宦途盡處是青山。
署門客散無投刺，退院僧高自掩關。
只有夢魂難惹處，君恩猶未削朝班。

千古名句張舟評

豚柵雞棲一畝宮，呼來兒女脫青紅。
憐他未慣蓬茅宅，笑我原來田舍翁。
麈尾可揮非祖物，菜根須咬趁童蒙。
短檠燈火長鏡柄，閒與諸雛話舊風。

少日曾貪面百城，而今萬卷送浮生。
一身去職如花落，兩眼觀書尚月明。
鴻爪春泥思往跡，馬蹄秋水得閒情。

天留老筆非無用，要與熙朝寫太平。
新葺茅廬在水南，擬栽修竹翠毵毵。
持齋怕入遠公社，習靜便同彌勒龕。
詩就多兼唐小說，客來與作晉清談。
所慚懶廢無才思，輸與山陰老學菴。

贈張吟薌

倚聲絕藝似珠圓，鏤月裁雲過百篇。
花影得名張子野，井泉到處柳屯田。
傳來曲部人爭寫，唱入旗亭妓最妍。
笑我聾牙難入律，銅琵琶上撥皮絃。

白桃花和既堂

一種穠花玉作根，曼殊獨麗眾芳繁。
武溪水映春無色

露井風開月有痕，莫是縞衣還入夢。
直教紅粉不銷魂，夕陽倩影欣相對。
翻愧酡顏醉酒尊。

錯認梨花帶雨嬌，一枝素艷倍天天。
映來人面無紅暈，寫出春魂有白描。
絕色東鄰顏太潔，淡粧西子粉都消。
崔娘枉自誇能醜，不用兼將雪水調。

曲譜休歌點絳脣，笑他俗艷惹遊塵。
月明台洞無尋處，春過羅浮有替身。
號國蛾眉晨淡掃，小憐玉體夜橫陳。
劉郎今亦頭如雪，別與流連結淨因。

秧針

誰散銛鋒似嫩蕪，纖柔不比劍裁蒲。
引他梅雨絲絲縷

繡出幽風幅幅圖翠剡出波真脫穎綠芒承露亦穿珠
笑看野老如槌指自詫拈針賽小姑

西湖晤袁子才喜贈

不曾識面早相知良會真成意外奇才可必傳能有幾
老猶得見未嫌遲蘇隄二月春如水杜牧三生髯有絲
一个西湖一才子此來端不在遊資

和友人落花詩

綺窗一枕小游仙腸斷禮華過去綠薄命生招風雨妬
多情枉受蝶蜂憐更無一語歸何處再欲相逢動隔年
綠已成陰芳早歇髣髴絲愁絕杜樊川直道不離天

開太艱難落太輕一番來去不分明經年空累僮澆甕
昨夜纔邀客冶觥柳線難將離跡綰榆錢似為鞞裝成
最憐解脫塵緣後尚作拖泥帶水行

芳園蕭索似經秋滿地殘紅爛不收過客也驚停屐齒
小鬟猶誤覓枝頭描來粉絹空神似解到金鈴只淚流
飄落不知何處去又因藩溷替他愁

新絕

爭妍解語悵難分目斷長天日暮雲啼到子規剛別我
夢為胡蝶也尋君元都桃憶前回看玉笛梅傷五月聞
為有去時痕迹在呼童且莫掃苔紋

漫興

淳朴鄉風少禮文，瓦盆春酒有餘芬。雞豚聲亂籬仍別，榆柳陰連界不分。看戲人歸談古事，負暄叟坐述前聞。眼前便是華胥境，何處還堪着俗氛。

塵心瞥起一漚如，繡佛燈前自懺除。詩不與人爭險韻，字常倚老作行書。蟲賡永叔秋聲冷，蝶去莊生曉夢遽。回數生平勞碌處，楞嚴讀罷但軒渠。

豪宕猶存少日心，不知老態已相侵。觀書眼漸訛三豕，導氣身將學五禽。缸養文魚圓似卵，盆栽小竹瘦於針。當時笑是衰遲事，誰識親從此境尋。

五十初度

除却親闈侍藥醫，更餘何事足縈思。輸官租稅完常早，祭社牲牢宰不私。妻妾無爭兒互乳，弟兄垂老爨同炊。家風豈敢誇顏柳，或可垂為子姓規。

學佛求仙枉費功，年來漸覺總成空。歐陽但有詩三上，徐邈時於酒一中。材不材間身可老，味無味處句難工。海山飛率俱安在，只合頭銜號長翁。

小倉山房集中有咏物詩戲用其韻

鏡

照膽圓光妙寫神，江心鑄就淨無塵。誰從對面偷描我，忽漫分身作化人。歲醜一毫難作假，效顰雙黛最傳真。

只因老怕看華髮不許移來棊几陳

肇璜歿後其子以君手植杜鵑一本見貽感賦

一枝躑躅贈留遺老瓦盆經手澤滋曾記賞花徵勝友

忽如開閣散歌姬到應推愛同烏鳥名易傷心比子規

贏得故人思舊淚與他一色染胭脂

答友

一縷心香息眾囂已甘門徑掩蓬蒿書難盡信常疑孟

詩偶無題且和陶白日百年浮世短名山一代幾人高

尚憐捉鼻清吟處見笑人間湖海豪

名句

舟過無錫晤顧晴沙觀察適同年陸朗甫方伯乞

養歸亦以是日至遂同游惠山

千里關心出處身傳雲遠望每勞神十年但作相思字

一日欣逢兩故人近狀共驚新白髮舊遊重話軟紅塵

歸田同此循陔願歎我今偏不逮親

村舍即事

鄰翁邀我饌香秔雜坐何嫌笑語僮將酒勸父無惡意

借花獻佛也真情杜陵泥飲遭田父阮籍酣呼對老兵

短髮飄蕭晚歸去路人喚作醉先生

結句風趣獨絕
張舟評

上元夕毘陵驛前泊舟與蓉龕前輩看燈

聯舟小泊運河濱正是元宵節物新邀月恰邀邀月客

看燈兼看看燈人官符不下城門鎖使節猶遲驛騎塵
冠帶迎賓尚游戲可知都是野鷗身時陳玉亭制府將過同出送之

途次先寄京師諸故人

喫過鮓魚始出門問渠何事戀江村家貧婦或勞兼婢
身老兒還小似孫惘惘可憐原俗態悠悠相望也銷魂
始知膽力非年少愧以羸羸說報恩身老句可移贈子才未校評

將至臺庄忽兩臂頓患風痺客中無醫徹夜酸痛

迴舟歸里感成三律情見乎辭存二

憶昔從軍絕徼秋擬憑赤手縛蠻酋曉泗漳水羊渾脫
夜枕腥皮虎鬪髀弓為臂強翻覺軟檄當腕脫尚能道

如何一副幽燕骨今日衰殘作贅疣

警絕張舟評

美人風箏

誰家掌上一嬋娟飛入高空艷影翩風送幾疑天賜女

郝陵川集有天賜夫人詩風吹芋氏女至梁家為婦雲遊不作地行仙尚嫌綵索

鞦韆短漫比朱絲傀儡牽月姊星娥應共語新添好伴

絳霄邊

步虛仙子脫塵鞿身駕春風上太微一去如飛疑劍女
任吹不動笑環妃月輪近恰為粧鏡霞綺鮮仍貼舞衣

當日臺城倘煩汝有閑氏亦解重圍

天路無梯一線通治遊最好趁春融但愁神女來行雨

恰喜封姨肯借風，糊上薛箋身絢爛。製成湘竹骨玲瓏，雲霄曳履男兒事。偏覺弓鞋會躡空。

嬌姿只合繡幃藏，何事凌虛露靚粧。豈是飛瓊來下界，不煩窺玉上東牆。多情尚繫絲千尺，薄命休嗤紙半張。一片夕陽鴉鵲舞，也如蜂蝶逐衣香。

肉飛煉得幾年白，日昇天謝自然直。上似追奔月，女孤行肯逐。馭風仙方成唾漫驚，飛燕徵側魂應化。點爲羅鞵無塵香，界迥雲中君本楚騷傳。

五銖衣薄太風流，細骨輕軀稱遠游。挽住尚煩紅線手，倦飛或墜綠珠樓。尚憐高處寒難忍，直恐仙乎逝不留。

添个風琴傳逸響，珊珊恰作珮聲幽。

哭杏川老友

殘牙能啖肉盈斤，方謂天教健補貧。誰料汝爲長夜客，始驚我亦暮年人。白楊蕭瑟魂安托，元草飄零字尚新。同學弟兄亡過半，此身雖在已傷神。

聞心餘京邸病風却寄

跋扈詞場萬敵摧，如何乃築避風臺。少貪酒色終償債，老訂詩文幸滿堆。木有文章原是病，石能言語果爲災。可憐我亦拘攣臂，千里相望兩廢材。

雜感

酒樓依舊繡簾垂，曾寄閒情杜牧之。紅粉已為山下土，白頭增感鬢邊絲。銀缸明燭傳觴令，錦瑟哀絃卻扇詞。老去風懷已銷歇，也因陳迹一含悲。

題棕亭見和長篇後即贈

一枝健筆領風騷，老去詞源尚湧濤。至死不僵蟲百足，橫行無敵蟹雙螯。青樓香徑尋花熟，紅燭華筵對酒豪。流寓恰當名士地，康山風月價增高。

秋思

街鼓沈沈夜正中，清吟人坐畫欄東。涼生旅館孤燈雨，秋在高樓一笛風。地縱近游仍是客，身誇老健已成翁。

稍欣殘暑驅除去，明日湖航泛碧空。

六十自述

十年屏跡卧江村，往事真堪目笑存。才子聲名徒嚇鼠，好官滋味略嘗鼯。篝燈一穗寒無燄，木榻雙趺隱有痕。子晉吹笙已仙去，此翁長守藥爐溫。

菜花

始信東風氣力深，盡將原野作芳林。莊嚴老圃三春菊，富貴田家滿地金。正色遙分曇佛面，濃香不上女郎簪。前劉縱失桃花約，差免空來紫陌尋。

晴嵐以余六十在詩稱祝次韻奉答

冷淡生涯竟句新，久將閒跡寄湖尊。
黃楊樹長偏逢閏，紅藥花開已送春。
羊命魯陽揮後日，功名鄧禹笑中人。
祇應憑托昇平世，穩作林間冗長去聲身。

十載

十載江湖穩釣舟，忽參戎幕佐軍籌。
人疑白首何輕出，我為青山未遍遊。
野店客魂雞腦膊，殊方蠻語鳥鞞鞣。
憑添一卷閩南草，翠壁題名處處留。

唐荆川先生讀書處

前賢遺墅綠楊灣，水木清華遠市闌。
並世文章無北地，當年聲望此東山。
盛名難免求全毀，晚節終看歷試艱。

剩有城南讀書處，畫圖一幅好荆關。

前歲作牡丹詩頗不愜意今日對花再作四首

更無花可鬪芳菲，飽受陽和始吐輝。
詞客文章惟宋豔，美人姿態有環肥。
人因貴重皆矜寵，蝶亦溫存作軟飛。
騙得遊春忙十日，滿城裁盡綺羅衣。

紛紛桃李盡開過，晚出從容燦曼陀。
十戶貴猶嫌價少，廿番風獨占春多。
光浮花外三分暈，味在香中一片和。
只恐女郎嫌太重，不教插上髻盤螺。

園林無此不能豪，旁護朱欄上碧綃。
畫以胭脂猶欠活，生來富貴自多嬌。
花頭端重風迴陣，粉靨醺酣酒上潮。

最是精神全發越，線睛驗取午時猫。
穠華恰趁豔陽天，繭栗開成徑尺圓。紅藥自甘充婢賤，
青蓮曾以喻妃妍。豪宜党尉銷金帳，陋笑蘇家藥玉船。
佔得繁華仍不俗，由來姿韻本花仙。

夜歸

暮鴉啼散滿林烟，廿里長河夜泛船。風剪非刀能刮水，
月輪無轍自行天。溪橋犬吠鳴榔火，野店人喧賣酒錢。
棲畝餘糧收未盡，歡聲滿路說豐年。

遣興

戢影菰蒲已廿年，流光冉冉到華顛。築亭放鶴林和靖，

出郭騎驢孟浩然。死去知無求傳米，生來不乞買山錢。
芒鞋竹杖松枝麈，自作江湖一散仙。

感事

炎風朔雪兩相更，費盡人間幾送迎。鄰忌妻孥工媚語，
翟公門巷見交情。尺波將涸魚先散，一骨纔投犬共爭。
笑把陳編按時事，層層棋譜在楸枰。

前輩商寶意嚴海珊，袁簡齋諸公詩久已刊布。近
年來盧抱經王西莊錢竹汀考古之書及吳白華
趙璞函顧晴沙蔣心餘張瘦銅王穀原錢籜石王
述菴吳穀人詩文亦先後刻成羅列案頭足資欣

賞率題四律 存三

插架新編燦列眉，一堂風雅總吾師。
臨流欲唱公無渡，及席先愁某在斯。
此事不關官大小，斯文真繫世興衰。
許燕手筆高岑調，都是開元極盛時。

論交竊幸及諸賢，酒海花天共擘箋。
標榜恥為前七子，精神各注後千羊。
鬢眉把卷如重對，風雨聯牀已獨眠。
不覺又增存歿感，關河雲樹墓門烟。

汗馬無功且汗牛，又增滄海幾浮漚。
縱教後輩能饒舌，敢禁斯人不出頭。
已覺通都增紙貴，頗聞賈舶出金求。
中華文字難通處，還有人間大九州。

七十自述

不覺駸駸歲月征，觀河童耄暗中更。
生當盛代身何幸，老作詩人世已輕。
學問就衰那復進，功名非福不能成。
祇應飽吃殘羊飯，扶杖田間咏太平。

流光難挽魯陽戈，漸欲經營安樂窩。
與我偕行惟竹丈，非人不暖有湯婆。
詩傳誰復將絲繡，身老何堪與墨磨。
回首壯年豪俠處，曾衝鼻息拂星河。

竹初用導引之術，面有少容，蓋已學道有得矣。戲贈

英雄歲晚例修真，一寸丹田守谷神。
古有長生今亦鬼。

天如可上地無人煉形未必逃蟬蛻導氣聊堪作鳥伸
君是錢鏐老孫子故應多閱幾紅塵

子才昔年預索輓詩竟無恙今以腹疾就醫揚州
又索生輓戲再作以遲其行

昔年索輓却仍留再為先生賦遠遊生有自來從萬里

君自言前身點蒼山老猿死無遺恨占千秋門前贊并收粗閣晚年

弟海內詩皆入選樓採時人詩只恐替人難覓得驪駒

歌罷又停騶

不早休官也列卿超然湖海結鷗盟烟花享盡人清福
詩卷遙收世大名不古不今成一則非仙非佛自孤行

未須便辨迎笙鶴天尚留君賦鹿鳴明年戊午科鄉試君重屆鹿鳴宴矣

留別子才

清游訪遍六朝基又向隨園按履綦卿亦流連中一物

我無文字外相知延年早入長生籍謂吉存詩著錄新添本

事詩君方續編詩話莫怪浮屠不三宿已勝返棹剡溪時

馬嵬坡

寵極強藩已不臣枉教紅粉委荒塵憐香不盡千詞客
召亂何關一美人堠火自明孤驛夜野花猶泣故宮春
誰知幾點胭脂淚別有生離江采蘋

吳門晤西莊竹汀

握手相看鬢各皤那禁老子此婆娑後來良晤知猶幾
海內名流漸不多世以博聞推敬播天留微疾養維摩
二公皆有目疾朋簪最羨居相近同在吳門步屨過

淝水

淝河百丈水湯湯千古南朝詫戰場空國而來驕必敗
背城能戰弱為強枋頭宣武慚勳伐江左夷吾尚廟堂
羸得淮山間草木也同旌旆氣飛揚

和錢竹初移新居

精舍頻年構始完移居人比葛洪看城無山水堪攜杖
家有林巒值挂冠別墅王維經一卷小園庾信竹三竿

知君自寫胸中藁付與工師築考槃

君檀繪事

上元後三日芷堂過訪草堂次日夢樓亦至皆未

有夙約也喜而有作

鵲噪晴簷信有因南轅北轍聚茲晨

芷堂自雲間來夢樓自京口至相

思何止三秋月不速欣來兩故人垂白關心惟舊雨軟

紅回首已前塵草堂纔過收燈後連夜重開一甕春

草聖詩魔歷苦甘

夢樓書芷堂詩皆必傳也

書生結習故多愁拾遺

有疏留雙闕

芷堂以言事改官

彌勒何年共一龕

夢樓長齋奉佛已久

天
下傳人儕輩幾林間奇會翰林三惹他僮僕驚相笑都

是迂疎不急談

偕立菴艤舟亭看梅小飲次韻

巾屨相隨踏凍來，艤舟亭叩寺門開。出行有伴當攜杖，
招飲無題借看梅。老榦過冬猶健骨，早花隔歲已懷胎。
憑欄漸覺山池暖，淺綠波痕欲上苔。

有以明人詩文集二百餘種來售，余所知者，乃不
及十之二三，深自愧聞見之陋。而文人仰屋著書，
不數百年，終歸湮沒。古今來如此者，何限。既悼昔
人亦行自嘆也。感成四律，存三。

姓氏爭期著述留，百年難駐況千秋。馬空冀北誰朱汗，
豕過遼東盡白頭。辛苦珍裘千集腋，混茫大海一浮漚。

遺編不及能言鴨，自把名呼向客舟。

不知曾費幾敲推，無限精靈付劫灰。傳不傳真皆有命，
想非想豈盡無才。騙人嘔血奚囊錦，為爾收魂醬瓿堆。
始歎前賢深閱歷，只教痛飲掌中杯。

手握雞毛筆一枝，妄思不朽計原癡。閣麟已欠圖生面，
霧豹何曾剩死皮。過眼春華風一陣，到頭暮色雪千絲。
却慚夢醒恒沙劫，已是吟髭撚斷時。

壽松坪前輩七十

笠屐圖中另一班，茶烟禪榻愛蕭閒。官餘藜火歸猶讀，
妻有梅花老不鰥。小部笙歌紅豆曲，名園亭館綠楊灣。

關西人占江南樂千載風流繼對山

金陵過前明故宮城

廣備九軌接城闈勝國遺規半未湮流水不湔金粉氣
故宮已見採樵人百年史冊殘棋譜一片江山浩劫塵
老去只會娛景物漸無閒淚為沾巾

素子才輓詩

索輓連番竟不行此番真是送登程死應仍去為猿嘯
生不留看賦鹿鳴花月千場供老福詩文一代享高名
只愁未免風流罪欲為緡經度化城

王西莊光祿輓詩

歲在龍蛇識可驚儒林果失鄭康成宦情淡有千秋業
文望高於一甲名公甲戌榜眼白首叢編成又改青燈老眼
瞽重明雙替後再明從今學海誰津導我哭先生為後生
束髮攻書到老翁未曾一日輟研窮遍搜漢末遺文碎
公最精鄭學不聞虞初小說工後輩豈知真學問幾時再有
此淹通存亡莫道無關係直在蒼茫氣數中

金子友來乞楹帖其家住太平寺旁門臨大池余
為書鳥宿池邊樹僧敲月下門一聯適有尼菴亦
來乞桃符僮奴不知即以此付之一時見者傳為
笑資賦此懺解

一聯悞到散花居，掩口胡盧遍里閭。豈敢戲留題鳳字，
或疑錯寫弄鸞書。翻經香盞重簾靜，繡佛燈檠四壁虛。
亟與阿師勤懺悔，手抄梵夾鎮精廬。

閒居效放翁體

卻老空聞服玉方，暗中不覺漸頽唐。兼金安得買酣睡，
上藥不能醫健忘。邀客尋花消日永，呼僮說鬼遣宵長。
愛閒偏是閒難耐，始悟英雄種菜忙。

稚存謂古來牡丹詩少有作正面文字者，戲成四
首索和存一。

何處東風麗景繁，尺三花朵歷名園。大家氣象無寒態

本色胭脂有醉痕，一捻嬌含晨露濕。千層豔煽午風溫，
生來性格原驕貴。肯向風塵漫托根。

稚存見題拙著甌北詩話次韻奉答

論古雖如廷尉平，詩文事已一毫輕。但消白首無聊日，
豈附青雲不朽名。老始識塗輸早見，貧堪鑿壁借餘明。
只慚結習癡堪笑，猶是燈牕未了情。

城外閒步

春暄猶未脫吳綾，流覽風光力尚勝。簾閣燕尋曾宿壘，
池塘鴨浴已融冰。野花地僻無人賞，廟樹年深有物憑。
最是鄉鄰淳樸意，相邀村酒醉懵騰。

苦熱

火繳當空氣益炎，避炎何處覓深巖。
汗流似滴鮫珠濕，癢癢思搔鳥爪尖。
螢可作燈兒剪紙，燕將歸舍婢鈎簾。
茶瓜欲話無人共，細碎成詩韻一拈。

野步

同此光陰逝水流，與其枯坐不如遊。
野花晝暖香迷蝶，古樹羊深大蔽牛。
不著胭脂春自麗，但聞鷄犬境逾幽。
只慚賣酒人家笑，此老無錢掛杖頭。

或以余紀遊詩於佩香悟情多諧語賦此解嘲

遊仙偶遇李騰空，莫漫相嘲白髮翁。
但看晚霞多麗景

何曾老樹不春風，風流得罪猶堪恕。
道學為詩究未工，君見梅花一篇賦。
如何不議廣平公。

漫興

十笏香巖遠市囂，不農不仕不漁樵。
尚耽書味忘漂麥，未長詩功想握苗。
著述身將盈八秩，昇平世已歷三朝。
閒中卻數平生友，幾個聲名在絳霄。

牡丹

春風滿面好容光，十五盈盈出畫堂。
天下有花皆避席，豪家無處不飛觴。
寫生只合煩周昉，入貢曾傳自洛陽。
笑我素嫌脂粉氣，也教軟盡鐵心腸。

教場壩懷故將白秋齋同年

君庚午武鄉試與余同年官至副將有賢

聲曾為常州遊擊教場壩共演武地也

長身玉立好鬚眉威令羣推節制師可惜將兵程不識
誰為薦士魏無知老猶射虎千鈞力生未圖麟兩髯絲
今日經過教場壩春風楊柳想旌旗

自遣

熊魚兼取本天慳老去塵緣已盡刪名或可傳聽日後
詩留不盡與人間身隨甌窰上聲豚蹄祝夢斷周陸豹尾
班獨惜退休三十載不曾絲髮濟時艱

掃晴娘

簾外陰霖膩滿空美人擁篲有神功捷驅巫女三更雨
巧借封姨一陣風香捲胭脂花落後魂歸環珮月明中
莫疑冤婦能招旱得號乾娘勝得雄

菊飲同人小集

籬葩紅紫正敷榮近局相招小合并不暖不寒天九月
有花有酒夜三更清談弗禁藏闈戲白戰猶能擊鉢成
此是暮年消受處可知無意獵時名

小北門城下看荷花

柳陰深罨北城隈正值芙蓉百本開難得有風無日處
相攜臨水看花來老懷豈尚貪紅豔逸興兼思泛綠洄

帶得餘香晚歸去月明更醉碧蒲杯

喫烟戲咏

淡芭味不入醜酸偏惹相思欲斷難古詩相思若烟草豈學仙

能吸雲霧幾令人變黑心肝噴浮銀管香驅穢暖入丹

田氣辟寒贏得先生誇老健鼻尖出火駭旁觀

書賈施朝英每年就我刷印拙刻甌北詩鈔除餘

叢考廿二史劄記十家詩話等各數百部書以一

笑

和凝板本早雕鏤卻被屠沽索價鬪鼠璞料無三倍獲

雞林可有百金求奇分宛委藏書穴氣壓麻沙販客舟

我是為名他為利大家不免達人羞

八十自壽 丙寅

早登仕籍早歸田心值重熙極樂天才短愧無經世用

時清惟有作詩傳綠叢泛雨船雙槳紫陌看花杖百錢

如此太平寧易遇四千年內不千年自唐堯即位元年

千零二年

羊將四十纔生子豈意孫今又抱孩在我原為非分福

知他誰是不羈才金防躍冶爐常守樹望成陰土屢培

卻被達觀人暗笑何如且醉眼前杯

國北言選

卷上

三

國北詩選卷上

48-12304

